

Aen Hoihnaenghdamz Dauqyawj 10 Bi Aumwnz Suijden Gunghvei Daengz Guengjsae Gien Cienz Banghag Youq Namzningz Banh

澳门水电工会赴广西捐资助学 10 周年回顾座谈会在邕举行

□ bonjbauq gicej Cau Dwzfeih/赵德飞

10 nyied 29 hauh banringzgvaq, aen hoihnaenghdamz dauqyawj 10 bi Aumwnz Suijden Gunghvei daengz Guengjsae gien cienz banghag youq Namzningz banh. Swcigih Gyauyuzdingh Minzcuz Gyauyuzcu cucangj Veiz Lanzmingz, Swcigih Cungj-gunghvei Doiqrog Lenzlozbu bucangj Lij Yiyungj, Aumwnz Suijden Gunghvei gien cienz banghag gyauhliuzdonz nem mbanj bous hagseng ndaej daengz bang cienz gvaq youq Namzningz doegsaw, guhhong haenx daengj camgya hoihnaenghdamz.

Gwnz hoihnaenghdamz, Veiz Lanzmingz angqcoux gyoengq bouxsimnde Aumwnz Suijden Gunghvei daej daengz. De naeuz, Aumwnz Suijden Gunghvei 10 bi daej laebdaeb gien cienz bang cungh siuj hagdangz dieg gungzhoj Guengjsae gig mbouj yungzheih, Guengjsae gyauyuz bumwnz gvaqlaeng yaek laebdaeb haeu-coengh guh ndei faenh hong neix, bouxsimnde Aumwnz Suijden Gunghvei gien cienz banghag, itdingh cingzdo coicaenh dieg gungzhoj gyauyuz hwngfat; doenggvaq simnde banghag bingzdaiz, hawj engq lai vunz roxyiuj gij cingzgvang vwnzva gyauyuz Guengjsae caeuq Aumwnz, hawj engq lai vunz miz cienz haenx ndaej bangcoh dieg gungzhoj, gajndeij gij gyauyuz diuzgienh dieg gungzhoj, doengzseiz hix gyagiengz le Guengjsae caeuq Aumwnz vwnzva doxyau doxrox, coicaenh song mbiengj vwnzva hwngfat.

Gyoengq hagseng ndaej bang gvaq camgya hoihnaenghdamz haenx doxlwnz gangjavah, gyo' mbaig gyoengq bouxsimnde bangcoh gyoengqde, caemhcaiq gangj daengz gij simcingz mwh ndaej iucingj bae Aumwnz guh doxyau hagsib, cungj naeuz youq seiz doxyau hagsib hag ndaej cihsiz gig lai, hawj swheij yawj ndaej engq gyae, doiq saedceij hagsib, guhhong swheij gig miz yungh; naeuz gvaqlaeng aeu ndeindei hagsib, guhhong, guh bous vunz doiq gwnzbiengz mizik he, vih gwnzbiengz guh ok gungyen, yungh neix daeuj gyo' mbaig gyoengq bouxsimnde bang gvaq gyoengqde haenx. Mbanj bouxsimnde camgya hoihnaenghdamz haenx hix gangj ok gij maqmuengh swheij, muengh gyoengq hagseng ndaej bang gvaq haenx ndeindei hagsib, guhhong.

Lij Yiyungj cujcz hoihnaenghdamz caiqlj guh cunggez gangjavah.

Ciuq cam rox, aen gunghvei neix miz sim haeujcoengh gyauyuz goeng' ik saehnieb cungh siuj hagdangz dieg gungzhoj Guengjsae, 10 bi daeuj, giensoengq 300 lai fanh maenz ngaenz yinzminzbi hawj cungj siuj hagdangz dieg gungzhoj yungh guh laeuzsonhag hwnjguh, bang hagseng gungzhoj, lai baez giensoengq doxgaiq sonhag caeuq saw, caemhcaiq iucingj 8 buek 200 lai bous hagseng, lauxsae maenhndeij siujsoq minzcuz Guengjsae daengz Aumwnz guh "simndeij hagsib lijyouz" doxyau hozdung.



▲ Gyoengq hagseng daiqbiuj ndaej bang gvaq haenx caeuq gyoengq bouxsimnde daengj hab'ingj.



▲ Hagseng ndaej bang gvaq haenx gangjavah.



▲ Bouxsimndeij maqmuengh hagseng ndeindei hagsib, guhhong.



▲ Geij bous hagseng iq angq liuq aencungq.

Lwgnyez Lajmbanj Bae "110" Guhcaemz 农村孩子与“110”零距离接触

10 nyied 25 hauh, Liujcouh Si Liujcwngz Yen Gungh' anhgiz gawjbanh ngoenz haicungq gingyingz daejniemh hozdung, iucingj Dabu Cin Lozyenz Cungsime Siujyoz ca mbouj geijlai 70 bous siujhagseng byaij haeuj gingyingz, daejniemh gij sezbei gingicz yungh, lienh baenzlawz fuengz doxsaeux, beizyangj gyoengq lwgnyez gij eiqsik roeb daengz yungyiemi baenzlawz fuengz caeuq gij cawqceq naengzlig gyoengqde.

(Dwng Gwzyi/邓克轶)

Sanglinz Yen Fungcingz Boux-cuengh Yinx Bouxhek Dunghmungz

上林县壮族风情吸引东盟游客

Mboengqneix, bi 2016 Cungguk-Dunghmungz Bozlanjvei lijyouz baijyienj youq Gveilinz Gozci Veicanj Cungsime banh haenx, Sanglinz Yen baengh aen bingzdaiz Cungguk-Dunghmungz Bozlanjvei neix, haenqrengz senhconz "ranzlaux Bouxcuengh · Sanglinz ciengxdang" lijyouz binjbaiz, doiok "sam huz it mbanj it suen" lijyouz lenzmungz, doiok Sanglinz fungcingz Bouxcuengh, sienqlloh lijyouz, doxgaiq lijyouz, ndaej daengz gyoengq boushek canghseng' eiq



▲ Bousyienj Sanglinz eu fwen hawj boushek yawj.

Dunghmungz haengjgyaez, yinx ndaej canghseng' eiq gak guek daeuj dajcawx, lienzhaeh doxyaeng doxgap.

Baez lijyouz baijyienj neix Sanglinz Yen daiq bae haujlai vwnzyi biujyienj gig miz daegsaek Bouxcuengh naekna haenx, doenggvaq bouxyienj biujyienj go-foux, langhbaij ndangdaenj daengj, aeu fungcingz Bouxcuengh yienh' ok youq baihnaj bousyawj, hawj bousyawj roxnyinh gij yinxdaeuz fungcingz Boux-cuengh Sanglinz.

(Lij Dauyungj/李道永 Vangz Yaujyenz/黄晓妍)